

DDC:
 YER: 74-1110
 YIL:
 CLT:
 KSM: 2
 KOP:
 DEM: 74-6256

KÜTÜPHANESİ


1 بيان حقيقتي العتيق نصلي
 2 وعلاوة كلام في مآثر الاسلام
 3 نزهة القلوب في تحليل الحكم



M.M.
 1950


h. m. m. m.

بیان حقیقتک ایکنجی فصلی



اثر
علی حیدر

M. M. 1250



(معارف نظارت جلیله سنک رخصتیه طبع اولمشدر)



در سعادت

مطبعة عثمانیه

۱۳۰۳

﴿ بیان حقیقتك ایکنجی فصلی ﴾

(اقامیم ثلثه نك بت پرست مذهب عوامی اولدیغی)

خرستیان علماسنك مصدق اولان توارنخ ادیانہ نظراً
میلاد حضرت عیسا دن برقاج بیک سنه اقدم کسب مدنیت
ایتمش اولان ملل قدیمه نك اساس مذهبیری موحدلکه مبنی ایکن
اسباب متنوعه دن طولایی عوام ایچون اختراع اولنمش مذهب
اعتقاد تلشدر بو حالدہ خرسیتیانلرک اقامیم ثلثه سی عروج
حضرت عیسا دن برقاج یوز سنه صکره یکی بولنمش برشی
اولیوب برقاج بیک سنه اولکی بت پرستلر مذهب عوامنك
بقیه آثاریدر شریعت حضرت عیسی بت پرستلکی محو
ایتمک ایچون ظهور ایتمش اولدیغی حالدہ بالآخره بت پرستلک
آیینله مزج ایدلمش اولسی اک زیاده شایان تأسف اولان
شیلردندر جهالته اغراض منضم اوله رق اقامیم ثلثه دن اولکی
تلشدرک ظهورینه سبب اولمش و بوسایده طاشلر و طو پراقلر
بیلله میتو لوژی معبودلری سلکنه ادخال اولنمشدر .
هندلیلرک اساس مذهب قدیمی موحدلکه مبنی ایکن مؤخرأ
(براهما) (ویشنو) (سیوا) دیدکلری اوچ معبودک براصلدن

اولديغنى مېن اقامىم ئلته كې برتلىشه منقلب اولمىسنىه واسكى
 ايرانيلرك مقدا موحد ايكن بالاخره (حقيقت) (حى ايدىجى
 قوت) (قوه حيايه) ديهرك برتلىشه قائل اولملىرىنه واسكى
 مصرليرك اولاموحد ايكن صكرهلى (ايزىس) (اوزيرىس)
 (هوروس) يعنى پدر والده اوغل ديهرك برتلىث عرض
 ايلملىرىنه واسكى فنيكه ليلرك (فابير) مذهبنده (اقزى يه روس)
 (اقزى اوكرسوس) (اقزى اوكرساس) ديهرك برتلىشه قائل
 اولملىرىنه و (اتروسك) لرك اساس مذهبي موحدلكه مېنى
 ايكن ديكشوب (تينا) (كوپرا) (مىزو) ديدكلرى تلىشه
 مبدل اولمىسنىه وعلى الخصوص اسكى ايرانيلرك مهربان مذهبي
 كليسا بابالرينك تعريف ايتدىكى خرسىتانلغه كال مشابهاىندن
 طولايى اسكى ويكى حكما طرفندن مأخذ اقامىم ئلته عد اولمىسنىه
 و (هرمة تريژمژيست) ك (ضيا) (زكا) (روح) و (پورفير) ك
 (پدر) (اصل) (روح اعظم) و افلاطونك (اصل) (سبب)
 (روح) ديهرك برر تلىث كوسترملرىنه واسكى جرمانيا ليلرك
 (الفادر) مذهبي تلىثىنه وال صكره خرسىتان پاپاسلرينك
 (پدر) (اوغل) (روح) ديهرك براقامىم ئلته چيقارملىرىنه
 نظراً مذهب تلىث پك اسكى فقط خرسىتانلر لساندهكى تعريفى
 اسكى تعريفاتىك برصورت جديده سيدر چينليلرك صاحب
 مذهبي (لاوتسو) شوو جهله برتلىث بيان ايدر « عقل برى
 حى ايتدى براولدى برايكى يى حى ايتدى ايكى اولدى ايكى

اوچی حی ایتدی اوچ اولدی اوچ ساخ شیرلی یراندی «
 ینه مومی الهک قولنجه « باقوب کوره مدیکک بر ود کلیوب
 ایشیده مدیکک ایکی والین ایله ارایوب یاپیشه مدیغک اوچ شی که
 بیلنمدن مبرا و آری آری ایسه ده حقیقه ده بر در » یعنی هم
 بروهم اوچ بوتعرفده صاحب مذهب خرستیانلرک تلیشنه پک
 یاقلاشدیغندن عالمی خرستیان ایتک افکار یله دنیای طولاشان
 پاپاسلر چینده بویله بر مذهبه تصادف ایدنجه ترویج مقصده
 رعنا وسیله ظنیله چینلیلرک مذهبنده خرستیانلرک اساسی
 بولدق دیهرک خیلی قیل وقال ایتشلر ایسه ده مذهب مذکورک
 ظهوری میلاد حضرت عیسان مقدم اولدیغنه دأر مورخین
 محققینک ایراد ایلدکری دلائل تاریخیه اوقیل وقاللرک نه مقصده
 مبنی اولدیغنی بیلدیر مشدر نه غریبدر که (پول دی ساموزات)
 انطاکیه پسقپوسی حضرت عیسا افندمره حاشا (هم بشر
 وهم اله) وتعبیر آخرله « بر بشر که الوهیه قرین اولمش »
 دیدیکندن طولای علیهنده بولنان پاپاسلر طرفندن شهر مذکورده
 تشکیل اولنان (قونسیل) رهبان مجلس رسمیی « ابن الهک
 پدرایله بر اصلدن اولدیغی » قرار رسمیی و یردیکی حالده الی
 سنه صکره ازینک جمعیت رهبانیه سنده بو قرارک خلافتنه اوله رق
 « ابن الهک پدرایله بر اصلدن اولدیغنه » اکثریتله قرار و یریلور
 تلیشه قائل اولانلره سؤال اولنسه که ذکر اولنان انطاکیه
 مجلسی قراری اکر طوغری ایسه نه ایچون الی سنه صکره

ازینک مجلسی او قرارك خلافتده بولندی بر مذهبك كه صاحبنه بر مدت قلیله ظرفنده یعنی الی سنه اول جناب حقك « اصلندن دكل » والی سنه صكره « اصلندن » دینور ایسه زمان ظهورندن ازینك مجلسنه كلنجیه دكین كذران ایدن بر قاج یوز سنه ظرفنده عجمانلر دیناماش اولور . حال بویه ایكن خرستیان مذهبی « تغیر ایتامشدر » ادعاسنده بولنانلره تعجب ایتامك قابیلدر . ازینك مجلسی استانبولی روما دولتنه پای تخت ایدن ایمپراطور قسطنطینك امریله ازینكده تشكلی ایدن بر پاپاس جمعیتی دركه اكثریتله ویردیكى برقرار سایه سنده مذهب تثلیث رسماً اعلان و جبراً قبول ایتدیرلمشدر . بو مجلسده راهب مشهور (اطناش) طرفدار لر یله برابر اقایم ثلثه بی قبول ایله « پدر ابن الله روح الله بر اصلندن اولوب فرقاری یوقدر و ایمان ایتیمانلر منكردر » دیو رای ویردی . بو رایه مخالف اولانلر كریسی راهب مشهور « اریوس » دیدیكه ابن الهك پدره تابع اولسی متفق علیه اولنجه تابع ایله متبوع بیننده فرق اولمق لازم كلور . مادامكه فرق وارددر فصل بر اصلندن اولور . و اگر فرق اولنمز قبول ایسه بر اصلده آیری آیری ایکی خدا اولمش اولزمی بر طرفدن پدر ابن الهی خلق ایتدی دیورز . بر اصلندن اولان ایکی الله فصل بری برینی خلق ایتدی دینه بیلور (فه) (انژاندره) (فورمه) کی تعبیرات ایله تغیر حقیقت ایدیلهمز . یوقدن وار اولان پدر ابن الهك نظیری و شریکی اولهمز » بوا یکی مخالف فرقه

مباحثه بی منازعه و مخصوصه به نقل ایتدیکنی ایمپراطور
 (قسطنطین) کورنجه انواع لذایذ نفسانیه بی عبادنه حلال ایدن
 (میتولوژی) معبود و معبوده لرندن یکی آریلو بوده خرستیان اولانلره
 خرستیان مذهبی تقرر ایتماش دیدیر تمامک و بر طرفدن دخی یکی
 قوردیغی حکومت پلانلرینی اجرایه مساعد اولمیان رفقاسیله
 اوغراشمغه حائل بر اقامق ایچون یکی قبول ایتدیکی خرستیانلغک
 حامیسی صفتیله (اطناش) ک رأینی قبول ایله خلقه جبراً تصدیق
 ایتدیردکن بشقه (اریوس) طرفدارانی نفی ایتدیردی .
 لیکن قوه جبریه ایله تصدیق اولنان بوتلیشه مخالف (اریوس) ک
 قولی (اطناش) ایله طرفدارانک مصدق اولان عهد جدیدده
 ابن الهک پدر مرتبه سنده اولمدیغی بیان اولنمسیله و کلیسا بابالردن
 (ترتولین) ک « برزمان اولدیکه ابن الله یوق ایدی » دیمسیله
 و « ابن الهک پدر ایله بر اصلدن اولمدیغنه » دائر ذکر اولنان
 انطاکیه مجلس رسمیسی قرار یله توافق ایتدیکی جهتله
 (اطناش) ک تلیشی خرستیانلرجه مقبول اولماق لازم کلزمی
 انطاکیه مجلسی قرارینی ازینک مجلسی فسخ ایلدکن صکره
 ازینک مجلسی قراری آرتق معتبر قالمق لازم کلور ایکن اوله مدی
 چونکه بر پولتیقه به مبنی قبول اولنان بر مذهب دیگر بر
 پولتیقه به بناء رد اولنه بیلور . نه کیم اولدی . شویله که :
 (قسطنطین) ک اوغلی ایمپراطور (قونستانتس) ک زمانده
 (ارل) (ومیلان) ده عقد اولنان رهبان مجلسلرنده ازینک

قراری رد و (اٹناش) افروز اولنوب «ابن الهک پدر ایله
براصلدن اولدیغنه» قرار ویریلوب بوقراره مخالف اولان
(لیبر) نام پاپا ایله راهبردن (لوسیفر) و (هیملر) نفی
اولندی . مذکور پاپا پاپالغه کمال محبتندن و یاخود تجدید
ایمان ایلدیکندن رد ایلدیکی ایکی (قونسیل) قرارینی مؤخرأ
تحریرأ قبول وتصدیق ایلدی . لایخطیلیق اوزمانلرده خاطره
کلامش اولمیدر . اوچیوز التمش درت سنه میلادیه سندن
اوچیوز یتش سکز سنه سنه دکین شرق ایمپراطوری اولان
(والانس) (اریوس) ک هم مذهبی اولدیغندن خلقی جبرأ
بومذهب دعوت ایچون اجرایلدیکی مظالمدن خلق عالم بیرار
وبویه هرایمپراطورک مذهبه تابع اولق واولماق یوزندن انواع
بلاره کرفتار اولمقدن قورتلق ایچون کرک اکری وکرک
طوغری بومذهبه قرار ویرلسونده مذهب دعواسی برطرف
اولسون افکاری منتشر اولدیغندن مشاهیر علمای خرسیانیه دن
وهم (اریوس) ک وهم (اٹناش) ک افکارنده بولنان اوچ
دوقتورکه (یوکبازیل) و (غره غواردنازیاتس) و (غره غواردنیس)
دنیلان راهبردر . اریوس مذهبله اٹناش مذهبنی بعض
تاویلاتله تألیف ایلرینی تکلیف ایدوب (اٹناش) دخی
مع الممنونیه قبول ایلدیکی زمانلرده اسپانیالی (ته اودوز)
شرق ایمپراطوری اولوب ذاتأ (اٹناش) ک مذهبنده بولندیغی
جهتله ازیک مجلسی قرارینی خرسیانلره جبرأ قبول ایتدیردیکندن

ارتق (اطناش) مذهبی (اورتودوکس) یعنی اصل خرستیان مذهبی اولدی . متعصب پاپاسلر حضرت عیسانی حاشا مرتبه الوهیه ایصال ایلدکدن صکره حضرت مریمی دخی بشریتده براقق شان الوهیه یراشمز دیهرک اوچیز سکسان بر سنه میلادیه سندهینه (ته اودوز) ایمراطورک امریله استانبولده عقد اولنان مجلس رهبانیده حضرت عیسی کبی حضرت مریمک دخی حاشا الله اولدیغنه قرار ویرلدی . بو قدر معارضه و مخاصمه دن صکره بقالم نه نتیجه حاصل اولدی . الله بر ایکن حاشا ایکی اولدی . ایکی ایکن اوچ اولدقدن صکره هم بر وهم اوچ اولدی . بو نتیجه یی بحق قبول ایتمیان خرستیانلر متعصب پاپاسلرک آتش مظالمیله کباب اولوب ایچلرندن امریقایه فرار ایله تخلیص کریبان ایدنلر (اونیتار یزم امریقان مذهبی نامیله وحدانیتی قبول ایدوب حضرت عیسی افندی میزی اوامر الهیه یی تبلیغه مأمور طانیدق لرندن اسکی دنیا خرستیان پاپاسلرینک منافع ذاتیه ایچون ستر ایلدکاری بر حقیقت یکی دنیا خرستیانلری معرفتیله کشف اولمغه باشلامش دینلسه سزادر . حضرت عیسی افندی مزدن اول کلان پیغمبران دیشانک شریعتلری خرستیانلرجه دخی مصدق بولندیغی حالده بت پرستلکدن بشقه بر مذهبه صیغیمیان اعتقاد تلیشه عجباً پاپاسلر عقلا مثبتی دیرلر . اگر اویله دینورایسه کلیسا لساندن «تلیث عقل ایرمیان برسر در» تعریفی ایشتامز اقتضا ایدر . نقلاً دینورایسه بو بابده

معلومات مکتسبه مورخین محققین عندند هَنوز صحتی تصدیق اولنمیان درت کتابه منحصراً قالورکه آنلرده بری برینه اویمان اناجیل اربعه در . بوانجیللرده اولان اعتراضاته جواباً راهب مشهور (ایغان) ک تأویلاتی ساده دلانی بیله قاندره میه جق برصورت غریبه ده ایکن وفاتندن بیک درت یوز بوقدر سنه صکره مایس آیلرینک اون ایکیسنده یورطوسی طوطلسنه نقدر تعجب اولنسه سزادر .

﴿موی الیهک تأویلاتی ویاخود دلائلی﴾

انجیللرک حق اولدیغنده شبهه قالماق ایچون محررلرینه طرف حقندن رخصت مخصوصه ویرلدیکنندن برینک نسیانی دیکری اخطارایله افاده لرنده متفق اولدیلر (ماتیو) انجیللنده حضرت عیسانک ولادتندن و سلاله سندن بحث اولنمسنه بناء (سه رنت) طرفندن مرتبه بشریته تنزیل اولندیغندن بر بشته انجیل تحریری طرف حقندن (مارقویه) اوتوز سنه صکره امر اولنش و سبب تحریری الوهیت حضرت عیسی علیهنده اولان معترضلری الزام مقصدینه مبنی ایکن موفق اوله مدیغندن دیکر برانجیل تحریری (لوقایه) ینه طرف حقندن امر اولنش ایسه ده اودخی موفق اوله مدیغندن نهایت دردنچی انجیلک تحریرینه طرف حقندن (ژان) مأمور اولوب یازدیغی انجیلده اسلافنک نقل ایلدکلرینی تکرار ایلیه رک یالکیز الوهیت حضرت عیسی بخشده منکرلری اسکاته صرف همت ایلشدر « راهب

مومی اليك اشبو افاده سنه نظراً جناب حق حاشا او غلنك
 كندوسى كې برالله اولديغنى قولرينه تصديق ايتديرمك ايچون
 اولا (ماتيو) يه ثانياً (مارقو) يه ثالثاً (لوقا) يه امر
 ايتمشده موفق اوله مامش ونهايت (ژان) دردنجى انجيلده
 چاره سنى بولش بوحالده (ايغان) حضرت عيسايى مرتبه
 الوهيته ايصال ايده يم دير ايكن الوهيتك اقتدارىنى
 ضعيفلنديرمش ودرت انجيل يكديكره موافق ديرايكن اوچنك
 امر الهى يه موافق اولمديغنى ايضاح ايله بو اوچ انجيله ايمان
 ايدنرك ايمانى ياكلش اولديغنى بيلديرمشدر . ساده دلانى
 قانديرمق ايچون وقيله پك چوق انجيلار يازلمش ومؤخراً كثر
 ومباينتلرندن طولايى معلوم اولان درت انجيلدن ماعداسى رد
 اولمشدر . ايكنجى دفعه پارسده طبع اولنان كليسا بابالرينك
 كتبخانه سى نام كتابك ايكنجى جلدنده اوتوز طقوز انجيلك
 ساخته اولديغنه كليسا طرفندن قرار ويريلوب اسملى ذكر
 اولمشدر . بوانجيللره پك چوق زمانلر حرمت ورايت
 اولنش وكليسالرده اثنائى عبادتده اوقونمش اولديغى حالده
 بالاده بيان اولنان اسبابه مبنى اتملى اناجيل اربعه نك دخى
 بوكې آثارك بقيه منخبه سى اولديغنى سهولتله كوسترر برطريق
 محاكمه تاريخيه نك آچيلسنه سبب اولمشدر (ژلاز) نام پاپانك
 ساخته ديهرك افروز ايتديكى وفات حضرت مريم ناميله نشر
 اولنان مصلر كه محررات معتبره قديمه دندر افروز اولنديغى

تاریخندن صکره بیله پاپاسلرک کرامت صاتمسنه واصحاب صنعتک
 خرستیانلغه منسوب آثارینه مأخذ اولدی . حضرت عیسانک
 الوهیتی تصدیقه دائر ارمی حکامندن (ابغار) ک مکتوب
 مشهوریله حضرت عیسانک جوابنامه سی خیلی زمانلر پرستشله
 قرائت وصکره ساخته دیهرک رد اولندیغی کبی حضرت
 مریمک دخی راهب مشهور (اینیاس) ه یازدیغی مکتوب ایله
 جوابنامه سی و (مسینه) شهرینه بروبا زماننده کوندروب الحاله
 هذه زیارت اولنان مکتوبی کلیسا طرفندن ساخته اولمق سببیه
 رد اولنشدر کلیسا ببالرندن (ترتولین) میلاد حضرت
 عیسانک یوزالتمش تاریخنده دنیاه کلوب روما بت پرستلرندن
 خرستیانلرک کوردیکی انواع مظالمه قارشو ایراد ایلدیکی نطق
 شکایت آمیزنده « بزم طایفیمزالله بردر » « وحدانیتی اعلان
 ایچون مقدمری اولیای کرام کوندردی » « براولان الله یوم
 قیامته عبادنی محاکمه ایدوب صالحلری سعادت سرمدی یه
 نائل ایده جک » دیمسنه و راهب مشهور (سپرین) که کلیسا
 ببالرندن اولوب تشرین اولک اون التیسسنده یورطوسی
 طوتیلور « هرشیئک پدری اولان انجق برالله واردر » دیدیکنه
 و اوچنجی عصر واسطنده راهب مشهور (ارنویوس) بت
 پرست علماسندن ایکن کثرت الهه قائل اوله مدیغندن خرستیانلغک
 اساسنده بولدیغی وحدانیتی تصدیق ایله عیسوی اولمش ایکن
 علم وفصلنه بناء بت پرستلک علیه یازمغه مأمور اولدیغی

کتب و رسائلده اناجیلدن اصلاً بحث ایلدیکنه نظراً شمديکی انجیللر اسکی عیسویلرک لسان عبادتی اولمقدن بشقه موحد اولدقلری جهته اعتقاد تثلیشه بت پرست مذهبی نظریله باقش اولدقلری شبهه سز تسلیم اولنور . اسکندریه لی (قله مان) ک میلادک ایکی یوز اون یدی سنه سنده بت پرستلری خرستیانلغه دعوته دائر ایراد ایلدیکی نطقده « وحدانیت هر عصرده حکما و شعرا طرفندن اعلان اولنش و اساسی موسو یلردن آلمشدر » یعنی بنی اسرائیل پیغمبرانندن آلمشدر دیمسنه شمديکی انجیللره مفسر اولانلرک قوی بکزر می الحاله هده شباطک اون اوچنده یورطوسی طوتیلان راهب مشهور (زوستن) بت پرست اولوب مذهب افلاطونی قبول ایلدکدنصکره خرستیان اوله رق فلسفه خرستیانیه مکتبی نامیله بر مکتب کشاد ایتش و بعده روما شهر امینی طرفندن میلادک یک یوز التمش یدی سنه سنده اعدامنه حکم اولمشدر . بوراهب مذهب افلاطونه مخصوص اولان اعتقادلرک اکثر یسنی خرستیانلقله مزج ایتش و حضرت عیسا حاشا الله اولدیغی حالده صفت بشریته کیرمدن اول بت پرست حکما سنه کندوسنی بیلدیرمش ادعا سنده بولمشدر . ایشته بوراهبک قوی کبی اقوال ایله اعتقاد تثلیت ظهور ایتش واسکی خرستیانلرک موحدلکه مبنی اولان اعتقادی فراموش اولمشدر . عصر مز مورخرلندن محمد افندینک اسکندریه کتخداسی نام رساله سنده مذهب افلاطونک خرستیانلغه

نصل تحویل اولدیغی کوزجه خلاصه اولمش اولدیغندن
 مطالعه سی توصیه اولنور . حضرت عیسی افندمزلک بر پیغمبر
 عظیم الشان اولدیغی موحدرک انکار ایتدکری معلومدر .
 خرستیانلرده شریعت حضرت عیسیای موحدلکده و کندولرینی
 بر پیغمبر عظیم الشان مرتبه جلیله سننده ارایوب تعظیم ایتسه لر
 اختلاف مذاهبک بر طرف اولسنه همت و بوسایده انسانیته
 بیوک بر خدمت ایش اولورلر دولترلرینک بقا و شوکتی
 و کندولرینک رفاه و سعادت اسکیدنبری عبادت ایتدکری اله
 والهدر سایه سننده اولدیغی اعتقادنده بولنان روما بت پرستری
 بو اله والهدر علیهنده ظهور ایدن مذهب حضرت عیسیایه
 کمال خصوصتله اعتراضه و وقوع بولان هر نوع فتنالقلری
 خرستیان اولانلره عزو واسناده باشلامری ذاتاً بوکی شیرلی
 مصادره اموال اهالییه وسیله عد ایدن روما ایمپراطورلرینی
 دخی مداخلهیه تشویق ایلدیکندن خرستیانلر حقنده دفعاتله
 قتل عام جزاسی ترتیب واجرا و اشیلری احراق بالنار اولدیغی
 زمانلرده اناجیل تحریرونشریله مشغول ژآسوده نشین ذوات کرامت
 وجودینی تخیل خیالات سارهدن معدود اولدیغنه دائر المانیا
 حکما سنک بر قولی واردر واقعا بوفلاکت زمانلرنده خرستیانلر
 یازمق دکل او قومغه بیله جرأت ایده میوب بالآخره
 (زودایزان) و (بت پرستلکدن آیرلمه خرستیانلر) نامیله تشکل
 ایدن ایکی فرقه مخالفه یکدیگره تحریراً اعتراضه باشلادقلری وقته

مبدأ محررات دینلشدر بویکی فرقه‌نک برنجیسی تورانک
 احکامیله عامل و وحدانیتہ قائل وایکنجیسی بت پرستلکه مائل
 اولوب مؤخرأ بر قاج فرقه یه منقسم اولدقلرندن بر فرقه‌نک
 ذهابنی دیگر فرقه تکذیب و کندی ذهابنی ترویج ایچون
 حواریون و سائر مشاهیر نامنه یازدقلری مصللر بالآخره جاهل
 مسودلر ایله اصحاب اغراض طرفلرندن تحریف اولنوب وخیلی
 زمانلر انواع تعظیبات ایله کلیسالدده قرائت اولندقدنصکره
 ساخته اولدیغنه پاپلر طرفندن حکم اولنمنه نظراً خرستیانلغه
 دائر مقدماً یازیلان کتابلرک محرف اولدیغنه حکم ایتمکده تردد
 اولنه‌ماز . بشنجی (قونسیل) جعیت رهبانیه سنک مصدق
 اولوب استانبول پتریقخانه‌سی کتبخانه‌سندده کمال احترام ایله
 محفوظ اولان بر قاج کتبک مؤخرأ التنجی (قونسیل) طرفندن
 ساخته اولدیغنه حکم اولنماش اولیدی او یله معتبر بر محلده
 محفوظ و محترم اولان بو کتابلرک مردودیتنه حکمه قنغی
 خرستیان جرأت ایده ییلورایدی . کتب قدیمه‌نک تحریفاته
 دائر راهب (ژروم) ک مسودلر « بولدقلرینی یازمیوب
 اکلایشلرینه کوره یازدقلرندن تصحیح ایتدک ظن ایلدکلری
 خطالرک یرینه کندی خطالرینی قائم ایدیورلر » دیمسندن معتبر
 خرستیانلرجه شهادت آرانیلورمی اسکى زمانلرده کتابتی
 سرمایئ تجارت ایدنلر مؤلفی مجهول و یا شهرتسز اولان کتابلره
 معروف اولنلرک اسمنی قویق و افکار زمانه‌یه کوره معنالرینی

تغییر ایتک کی ساختہ کار لقرہ جرأت ایلدکرندن راہب
 (ژورم) ک بوبابده مسودلردن شکایتی حقلی ایسده کندیوسی
 (داماز) نام پاپانک سر کا تبی وکلیسا بابالریک سر آمدی
 اولوب محررات اسلافی تحریف ایلدکرندن طولانی (روفن)
 مثللو مشاہیری شدتله تقبیح ایلدیکی حالده رهاہین مشہورہدن
 (اوزب) و (ہیلر) دخی بویله یاپدی دیہرک (اور یژن)
 کی راہب مشہورک آثارینی تحریف ایلدیکی اعتراف ایدیشی
 کتب قدیمہ نک اصلنہ موافق اولدیغنی اثباتہ حاجت بر اقرمی
 راہب (تر تولین) موحد اولدیغنی حالده تثلیثہ دار (نواسیون
 سورلاتیرہ نیتہ) نام کتابہ اصحاب اغراض طرفندن اسمی وضع
 اولمشدر . بیک الی یوز سکز سنہ میلادیہ سندہ رومادہ طبع
 اولنان کلیسا قانونک برنجی جلدی مقدمہ سندہ مندرجاتک
 مرور زمان ایله اصحاب اغراض طرفندن تحریف اولندیغنی
 جہتلہ اسکی حالندہ قالماش اولدیغنه آشوری تأسف اولمشدر .
 مؤلفات قدیمہ تحریف ایلدیکی کی شرحلری دخی تحریف
 اولندیغندن شارحلردن شکایتہ دار راہب (ژوروم) ک
 » شرح ایتک استدکاری شیلری اکلامقندن زیادہ شارحلرک
 افادلری اکلاشیلہ میور « یعنی اصلسز شیلرک اصلسز شرحی
 دیسی شایان دقتدر . ایشتہ کتب قدیمہ نک بویله دوچار
 تحریفات اولدیغنی تاریخ ایله کلیسا بابالریک قوللری اثبات
 ایدرایکن انجیلرک محرف اولدیغنه اینامق عوام ایچون القندن

و پاپاسلر ایچون منفعتدن نشأت ایتمی . چونکه بطلانی مسلم
عالم اولان بت پرستلکه بیکارجه سنه لر اینانمش اولانله شمدی
نه دیه لم عوامنی الفت و پاپاسلرینی منفعت مجبور ایتمشدر دیمک
اقتضا ایلمی ابتدا کی انسانلر مخلوق اولدیغنی اکلا نیجه اولا
برخالقک وجودینی تصدیق و صکره تکثر ایدوب ملل متعدده یه
منقسم اولنجه اسباب مختلفه دن طولایی طریق حقدن چیه قرق
بت پرستلکی ایجاد ایلله همجنسینی بیله مرتبه الوهیه ایصال
ایلدیکی کبی ابتدا کی خرسیتانلر دخی اولا وحدانیتی و حضرت
عیسانک مخلوق بر پیغمبر عظیم الشان اولدیغنی تصدیق ایدوب
و صکره تکثر ایدرک متعدد فرقه لره منقسم اولنجه ینه اسباب
مختلفه دن طولایی اول پیغمبر ذیشان مرتبه الوهیه ایصال
ایلدکلرندن بت پرستلکه تقلید ایتمشدر دینه یلورمی مارقونک
انجیلنده حضرت عیسی یازمدی و شریعتی تحریراً دکل شفاهاً
تبلیغ ایدیکز دیو شاگردانه امر ایلدی دینلسی بوانجیلک امر
و تنبیه حضرت عیسیایه مغایر اوله رق یازلمش اولدیغنی اثباته
حاجت بر اقرمی ماتیو انجیلنک اصلی اولمیوب ابراز اولنسان
صورتلری دخی یکدیگرینه توافقی ایتمدیکندن معترضلرک بو کتاب
حقنده اولان اعتراضاتنه جواباً راهب (اینیاس) لک « بزم
سندمز چلیپادر » دیمسی معترضلری اقناعه جواب کافیمدر
(پاپاس) و (ترتولین) و (ژروم) و (غره غوار دناز یانس)
و (قرو زوستوم) و (باروینوس) و (اوکوستین) کبی مشاهیر

متقدمينك مارقو انجيلي ومحل تحريري حقننده يكديكره مخالف
 اخبارلری مضبوط توارمخ ايکن بواخبارات مختلفه باقوبده
 شمدیکی خرسستيانلرک اتفاقده می امنیت ایدلم علی الخصوص که
 راهب (ژروم) کبی بزکلیسا باباسی انجیل محرف اولدیغندن
 (داماز) نام پایا طرفندن مأموراً اجرا ایلدیکی تصحیحاته دوچار
 مشکلات اولدیغنی اعتراف ایده وحضرت عيسانک بعدالعروج
 ظهوری بخشنده ماتيو انجيلی ايله مارقو انجيلی بيننده اولان
 مخالفتی تألیف ایچون وقوعبولان راستدعايه جواباً «مارقونک
 شهادتی غیر معتبردر» دیمسنه (بارونیوس) نام قردینال دخی
 بزم کبی تعجب ایده مارقونک انجیلنده «روز جزانک نه وقت
 کله جکنی حضرت عیسی دخی بیلز» ولوقانک انجیلنده «حضرت
 عيسا بکا ایتدی» عبارهلرینی (اورطوتوقس) خرسستيانلرک طی
 ایتدیکنی راهب (ایغان) ک مقام شکایتده سویلسی و (مانیشن) لر
 ايله اولان بر مباحثه مذهبيه ده راهب (اوکوستین) ک (کلیسا
 حکومتی طرفندن تصدیقه مجبور ایدلمامش اولایدم اناجیله
 اعتقاد ایتز ایدم «دیمسی مدعایزه دلیل قوی اوله مزمی کلیسا
 بابالزندن اکثریسی انجیل عباراتنک عقل ونقله توفیقی قابل
 اولمیانلرینه (الاغوری) معناسی واکلاشیلانلره لغت معناسی
 دیهرک درلو معنالر ویردکاری معلومدر (الاغورینک) (بشرل)
 لغتنده شرحی برشیء دیگر عرض ایتک صورتیله فکیره برشی عرض
 اینلک صئعتندن عبارت برافسانه در (اوریشن) و (پول) و (امبرواز

و (ژروم) و (اوکوستین) بو (الاغوری) معناسنی لغت معناسنه
 ترجیح ایشلش-لردر . بوبابده (اوریزن) برجرات فوق العاده
 ایله دیرکه انجیلک اوج نوع معناسی واردر . برنجیسی لغت
 معناسی که عوامک ایمانی تحکیم ایچون ایسه ده پک چوق محرف
 و متمنع و مخالف شیلری متضمن اولدیغندن بی نهایت خطالک
 ظهورینی استلزام ایشلدر . ایکنجیسی اوچنجیسی کشف
 و کرامت ایله حاصل اوله جغندن عهد قدیمده اولدیغی کبی
 برطاقم حق سوزینه بکزه مز یلاندن یازلمش عبارات بی معنایه
 تصادف اولندیقه نظر اعتنایه آلمیوب رد اولنملی و آنلره کشف
 و کرامتله معنی ویرلملی که مقصد حاصل اولسون و راهب
 (اوکوستین) دخی لغت معناسیله انجیلی شرحه باشلایوبده
 (الاغوری) قارشیمینجه موفق اوله میسه جغنی اکلیوب ترک
 ایلدکدن صکره حق بیلک ایچون برطاقم حروف کبی اشارات
 ایله مقید اولمق نه عجزدر . زمینده اداره کلام ایشلدر .
 بوراهیلرک محترم کتابلری حقنده استعمال ایلدکلی تعبیرات
 مذکوره شایان تعجب اولوب ده ها غریبی انجیللری تمامیه
 قبول ایلدکلی حالده ایچنده یلاندن یازلمش و حق سوزینه
 بکزه مز و محرف شیلر وار دیورلر وینه اول شیلری تأویله
 قالدیش-وب طوغریلتیورلر انصاف اولنسه برشیئه یلان اما
 طوغری و حق سوزینه بکزه مز اما کلام حق دینیه بیلورمی
 و بونی اثبات ایچون تأویلاته صاپیلسه اینانمیانلری تکدیر لازم

کاورمی بوراهبلر مرتبه سنه یا قلاشمش اولان (غره غوار) نام
 پیادخی بوفکرده بولندیغندن بوقوللرایله انجیلک محرف اولدیغنده
 اشتباه جائز اولورمی اشبو اناجیله راهبلرکی معنا ویلاندن یازلمش
 دیمیری عجباً آتی البیان مطالعه یه منیمیدر ماتیوانجیلنده « حلم
 و سلیم اولکز واکر برکیمه صول طرفکزه اورر ایسه صاغ
 طرفکزی عرض ایدک » امرینه ولوقانجیلنده « بن دنیایه صلح
 کتورمک ایچون کلدیکمه اینانمیک خیر صلح و مسالمت ایچون کلیوب
 سیف کتورمک ایچون کلدیم پدر ایله اوغل قزایله انا کلین ایله
 قاین والدّه آرهلرینه القای تفرقه ایچون کلدیم روی زمینه آتش
 کتورمک ایچون کلدیم بو آتشک علولتمسندن بشقه نه استرم بوندن
 بویله بش کشی اولان هرخانه ده اوچ کشی ایکی کشی وایکی
 کشی اوچ کشی علیهنه قیام ایده جک » اخبارینه حضرت عیسی
 افندمزک امر و اخباری دینیلنجه اجتماعی ناقابل اضداددن
 معدود اولان اشبو ایکی روایتک مابیننی تألیف ایچون حقیقه
 (الاغوری) معنا سنه مراجعتّه احتیاج حاصل اولور .
 چونکه ظلم و جفایه کمال صبر و تحمل ایله مقابله اولتمسنی
 امر ایدن بر ذات سلیم القلبه آسایشی سرسریلکده آراپان
 اختلاجیلر کی عالمی ناره یالق و اوامر پیغمبران ایله فاملیا
 یابنده برنوع عبادت اولان اطاعت عادتنی تفرقه یه تبدیل ایله
 شیرازه انسانیتی بوزمق کی برفکر اسناد ایتک حضرت
 عیسی افندمزی یا کاش طایانلره مخصوص براعتقاد اولدیغندن

بو حقیقتی ستر ایله لوقا انجیلنده اهمیت و یرمک ایچون
 (الاغوری) جهتنه تمایل طبیعیدر . بالاده بیان اولندیغی
 وجهله انجیلی لغت معناسیله تفسیره مقتدر اوله مدیغندن ترکه مجبور
 اولان راهب (اوکوستین) غالباً بوسبیه مبنی ترک ایلشدیر .
 حضرت عیسی مقام الوهیتده پدر یله کائناته حکم ایتکده ایکن
 نوع بشری واصل سلامت ایتک ایچون انسان صفتیله دنیا یه
 کلوب مقصدینی اجرا ایتدکن صکره ینه اسکی مقامنه عودت
 ایلدی اعتقادی انجیله مبتنی ایکن مایتو انجیلنده حضرت
 عیسی یالکز «اولادینی اسرائیلی واصل سلامت ایتک ایچون
 کلدیم اجنبیلرله مشغول اولمیک آنلرک یانسه کیتیک» بیوردی
 دینلمی بری برینه اویمیان خبرلردن اولدقدن بشقه بر خالقک
 اصلندن اولوب مقاصد مختلفه ایله کوکده کی مأموریتلرینی
 موقتاً ترک وانسان صفتیله روی زمینه کلوب بر چوق
 سیاحتدن صکره تبدیل نیت و مقصد ایدرک ینه یرلرینه عودت
 ایدن (میتولوژی) معبودلرینک حکایه لرینه برکوزل نظیره
 اولزمی بوسوزلری اهل توحیدنصل قبول ایتسون بر طرفدنده
 ینه انجیلده حضرت عیسی ابن آدم و خدائک عزیزی نامیله
 یاد اولنیور . حضرت عیسانک شراب ایله الکهک «بری
 قائم دیکری تنم» دیدیکی انجیلده محرر اولدیغندن خرسه تیانیلر
 نان و شرابک لحم و دم حضرت عیسایه منقلب اولدیغنه ایمان
 ایله شیطانلری درونلرندن طرد ایدرک تصفیئه قلب ایتک ایچون

هرسنة لحم ودم حضرت عيساي اكل وشرب ايدورز ظنده
بوليورلر . بت پرستلر بومقصده مبنی معبودلرينه شراب
وامك عرض ايلدكلرندن بوبابده اره لرنده بر مباينت قالور
ايسه اوده بری معبودینی يمك وديکری يمك عرض ايتمکدن
عبارت اولزمی انجیلارک یکدیگرینه مخالف ومحرف اولدیغنه
اک یکی سند لوندرده تشکل ایدوب اون سنه دنبری تصحیحنه
چالشدقلى انجیلک بوندن اقدم نشر اولنه جغی غزته لرایله اعلان
اولنان بر قسمیدر . چونکه بوانجیله اسکی انجیلارک خیلی
حکایه لری محرف دیو درج اولنماشدر . بوحالده اسکی
بر دعوايه یکی بر دلیل علنی ارائه اولنش اولدی . اسکی
جرمانیا لیلرک (الفادر) تسمیه ایلدکلى اله هرشینک پدری
وخالق اولوب آنک اصلندن سائر معبودلرک حاصل اولمش
اولدیغی اعتقادی تئلیشک برنوع دیگرى دکمیدر . (شارلمان)
نام امپراطورک محو ایلدیکی (اودین) مذهبی آییندن نوبهار
یورطوسی خرسیتیانلرک (پاته قوت) ومایس یور طولرینه
تحویل اولمشدر . (ماژیزم) مذهبی مهر جان آیینده بتلرک
رسم مزینى مزاره قویوب « یا جاعت امین اولو کز تکر یکزحی
اولدی چکدیکی اذا وجفا کنساهر یکزک عفوینى موجب
اولدی » دهرک راهبرک اظهار شادمانی ایلسی بیوک
پرهیزده خرسیتیانلرک مبارک جعده سنه بکزه مزى (اوزب دی
سزاره) نام راهب مشهورک جلب قلوب بت پرستان ایچون

خرستیانلغه بت پرستك آیینی قارشیدریغندن تألیفاتنده حضرت عیسیای پتاغور و افلاطون نام حکیم آرهنه قادیغنه قناعت ایتیه رك ایمپراطور قسطنطینك حضرت عیسی ایله بلاواسطه مراسلاتده بولندیغنی اعلان ایلمسی شریعت حضرت عیسی نامهنه یلانلر ایجاد اولنش اولدیغنی بیلدیرمز می بالاده بیان اولنان (قابیر) مذهب قدیمده (معبود) وحی ایدیجی معبود و (حی ایدیجی معبوده) تثلیثه خادم اولان رهبانلر خرستیان پاپاسلری کبی کنه چیقارلر ایدی . (تروا) شهرنده جسیم عبادتخانه لری وار ایدی . ایاصولوقده (دیان) هیکلنك باشنده چلیپا وار ایدی . سرأر بت پرستی یه مخصوص معبدلرده استخدام اولنان رهبانلر آیناروز پاپاسلری کبی نسوان ایله اختلاطدن منع اولنشلر ایدی . مغیباتدن خبردار اولوق آرزوسیه برطاقم ساده دلانك زمانمزده فالجیلره مراجعت ایتدیکی کبی بت پرستلرک دخی (سییل) دیدکاری فالجی قاریلرک کشفیاتنه دائر یازلمش کتابلره مراجعت ایللری عادت قدیمه لرندن اولدیغی معلومدر . بو واسطه ایله مغیباته واقف اولوق آرزوسندن کندولرینی آله میان بت پرسلری خرستیانلغه ایصندیرمق ایچون تاریخ میلادك ایکی و اوچ یوز سنه لرنده مذکور (سییل) کتابلرنده اولان مصللاری کلیمسا بابالرینك خرستیانلق آیینیه مزج ایتش اولدقلرینی ینه کندی مورخلری بر تفصیل بیان ایده یورلر . (غولووا) لرك مذهب عوامنده یورطه


آغزنده ییلانک رسمی اشیای محترمه دن اولوب سببی معبودلرینک
سلامت ناس ایچون اوغلنی فدا ایلدیکنی مبین بر رسم
اولدیغندن ایمش بو نکلہ دخی معلوم اولور که خالق عالم
اوغلنی عبادینک سلامتی ایچون قربان ایتدی اعتقادی خرسیتانلرک
اقانیم ثلثه سندن اول اختراع اولمش بر اعتقاد در . متبحرین
علمای هنددن رحمة الله افندی اظهارالحق نام کتابنده انجیللرک
و خرسیتیانلغه دائر کتابلرک فصل محرف و یکدیگره مخالف
و مباین اولدقلرینی انجیل مفسرلرینک اعترافلریله اثبات
ایلدیکنندن کتب مذکورہ نک فصل مخترعات عجیبه دن اولدیغنی
اکلامق استیانلره مطالعه سی الزمدر .

الفقیر

علی حیدر بن احمدشکری



- ۲ دىباحه
- ۲ سبب تأليف
- ۳ نفس الامر ده مستحسن اولان عادات اجنبیه نك تغليدى
مستحسن اولديغى واسلاميتده تندنه مانع سبب اولديغى
- ۴ فرانسه معارف ناظرى موسيو (دروى) نك مسلمانلره دار
مقاله سنك ترجمه سى
- ۱۲ ازمنه متدمه ده دين اسلام خارجنده بولنانلره اجرا ايديلان
معاملات ظليه شريعت مطهره يه مخالف اولديغى وكبر
وغرورت صدور ايتديكى
- ۱۳ ازمنه سالفه ده اهالى غير مسلمه دن مراتب ديوانيه ده آدم
استخدامى مسبوق اولديغى
- ۱۴ حكمتك بين الاسلام رواج بولمى
- ۱۶ تحصيلى شرعاً لازم اولديغى
- ۱۷ اسلامك اركان خىسه سى محافظه ملنيه مدار اولديغندن
فوائد دنيويه سى دخى اولديغى
- ۲۲ نطق رسمى ديمك اولان (خطبه) نك مسلمانلر ده اهميتى
اولديغى
- ۲۴ اكادار استطراد
- ۲۵ اسلامك فطره اوليسنده بولنان خا تونلرك فضائل وادبله
متحلى اولد قلرى
- ۲۷ خاطره



- ۲۷ اسلامه سعي واجتهادك وجوبى وقصور وتكاسك
مذموم اولديغى
- ۳۱ ملت اسلاميهك انقلابات زمانيه سنك تلخيصى عهد بنويدن
زمان مى تضوى نهايته قدر وقوعاتك خلاصه سى
- ۳۴ عصر معاويدن دولت مروانيهك شامدن انقراضنه دكين
ظهوره كلان انقلاباتك بيانى واحوالك اجالى
- ۴۴ دولت عباسيه ظهورندن متوكل على اللهك زمانه دكين
تحدث ايدن انقلاباتك تعدادى
- ۴۴ مروانيهك اندلسه استقلال ليريه اورانك احوال مجمله سى
- ۵۸ متوكلدن صكره شيرازه نظامك يوزلمسيه تغلب ايدن
امراى اتراك واطرافده استقلال ايدن مستبدرك اجمال
حالى
- ۶۴ ظهور دولت عليه عثمانيه اشبورلوك اسلامه ملجأ اولديغى
- ۶۴ دور عثمانيدن زمان سلطانيه دكين احوالك اجالى
- ۶۷ سلطان سليم ثايندن صكره تحدث ايدن انقلاباتك خلاصه سى
- ۷۲ نزقيات زمانيه مركز اثباتى
- ۷۴ خاتمه

